

欽定石渠寶笈續編

欽定石渠寶笈續編

第十六

養心殿藏一

皇上御筆書畫一

御筆寫唐人詩意一卷

本幅金粟牋本縱九寸一分橫一尺七寸水

墨畫山樹溪橋峻亭烟字款

晚晴搖水態，遲景蕩山光。
乙丑仲夏，偶寫唐人詩意。鈐寶一，幾暇怡情。

引首

御筆 無聲詩 鈐寶三深心託豪素乾隆
鑒藏寶璽石渠寶笈所藏

御臨文徵明書前後赤壁賦 一軸

本幅宣德箋本縱八寸八分橫一丈四尺七

寸七分行書 赤壁賦 壬戌之秋七月既

望蘇子與客汎舟遊於赤壁之下清風徐來

水波不興舉酒屬客誦明月之詩歌窈窕之

章少焉月出於東山之上徘徊於斗牛之間

白露橫江水光接天縱一葦之所如凌萬頃

之茫然浩浩乎如馮虛御風而不知其所止

飄飄乎如遺世獨立羽化而登仙於是飲酒
樂甚扣舷而歌之歌曰桂棹兮蘭槳擊空明
兮泝流光渺渺兮予懷望美人兮天一方客
有吹洞簫者倚歌而和之其聲嗚嗚然如怨
如慕如泣如訴餘音嫋嫋不絕如縷舞幽壑
之潛蛟泣孤舟之嫠婦蘇子愀然正襟危坐
而問客曰何為其然也客曰月明星稀烏鵲
南飛此非曹孟德之詩乎西望夏口東望武

昌山川相繆鬱乎蒼蒼此非孟德之困於周
郎者乎方其破荊州下江陵順流而東也舳
艫千里旌旗蔽空醜酒臨江橫槩賦詩固一
世之雄也而今安在哉况吾與子漁樵於江
渚之上侶魚蝦而友麋鹿駕一葉之扁舟舉
匏尊以相屬寄蜉蝣於天地渺滄海之一粟
哀吾生之須臾羨長江之無窮挾飛仙以遨
遊抱明月而長終知不可乎驟得托遺響於

悲風蘇子曰客亦知夫水與月乎逝者如斯
而未嘗往也盈虛者如彼而卒莫消長也蓋
將自其變者而觀之則天地曾不能以一瞬
自其不變者而觀之則物與我皆無盡也而
又何羨乎且夫天地之間物各有主苟非吾
之所有雖一毫而莫取惟江上之清風與山
間之明月耳得之而為聲目遇之而成色取
之無禁用之不竭是造物者之無盡藏也而

吾與子之所共食客喜而笑洗盞更酌肴核

既盡杯盤狼籍相與枕藉乎舟中不知東方

之既白

後赤壁賦

見 乾清宮 所藏 宋高宗書馬和之畫後赤壁

賦

嘉靖丙辰春日閒書徵明時年八十七

乾隆丙寅暮春之月長春書屋御筆分鈐寶內

府圖書乾隆宸翰琴書道趣生陶冶性靈乾隆

御賞之寶叢雲涵虛朗鑑寫心用筆在心搗筆

流雲藻經史笥清吟寄遐思箇中自有玉壺水

和順積中。

引首

御筆 神契傳靈 鈐寶一 乾隆御筆

鑒藏寶璽 石渠寶笈所藏

御筆臨燕肅秋山晚靄圖 一卷

本幅金粟牋本縱九寸橫九尺一寸五分水墨畫高峯遠水雲岫沙汀喬松灌木傑觀柴門釣蓬遊眺諸景并題

古樹參天列幾株深籠蕭寺翠模糊愛聽猿嘯
來三峽肯放漁舟出五湖羈馬玩鶩傲顛米清
風明月友髯蘇逢人若問終歸處拍點青山半
有無 丙寅長夏偶展燕肅秋山晚靄圖愛其

林巒蒼潤輒以意摹之並題長句一律乾隆御
識鈴寶八幾暇怡情得佳趣游六藝圖會心不
遠乾隆筆端造化陶冶性靈

引首

御筆。千崖秋氣高 鈴寶三深心託豪素乾隆
鑒藏寶璽墨雲內府書畫之寶石渠寶笈所藏

御筆題元人君子林歌 一卷

本幅仿玉版牋本縱八寸二分橫二尺二寸
八分行書

在昔叔夜之儔會竹林風流曠達輕纓簪却與
渭川增氣色七賢雅號猶蜚今七賢往矣惜不
見見此長幅留清陰其數其地恰相稱何人百
衲誠知音拂梢雲之獨幹似吏部之胸襟間枯
槎以寒篠貌河內之淵沉苔石烟筠阿戎可尋

瀟湘秋碧又如步兵放蕩不可以禮數而相禁
睹琅玕兮晴翠則又竿標犢鼻挹仲容之遐心
漱秋崖之萬玉邀廣陵之鼓琴獨愛露稍曉滴
處伯倫醉倒恍聞酒氣衫袖酣淋漓遂使山陽
逸侶開生面不教淇澳君子蕭條寂寞冷風淒
雨空荒潯明窓展卷默有會日與前賢相酌斟
題元人君子林長歌乾隆丁卯初春中翰御
筆鈐寶四漱芳潤微言晰纖毫乾隆御筆雲霞

思

引首

御筆 逸韻流清 鈐寶一乾隆御筆
鑒藏寶璽石渠寶笈所藏

御筆五君子圖 一卷

本幅宣德牋本縱五寸四分橫九寸八分水
墨畫平坡立石松栢梅竹蘭款

乾隆丁卯嘉平月下浣之三日縮臨文徵明五
君子圖於抑齋鈐印二比德朗潤

引首

御筆 古香清韻 鈐寶一 乾隆宸翰

鑒藏寶璽石渠寶笈所藏

御筆述悲賦 一卷

本幅金粟牋本。縱八寸六分。橫四尺二寸四

分行書

述悲賦 有乾隆十有三年春車駕幸山左禮成

返蹕

皇后以三月十有一日崩於德州舟次星夜解維
兼程旋軫歸殯於長春宮奉遷於觀德殿喪儀
有制時日如流觸緒增悲非文奚述感孫楚除

服之篇效潘岳悼亡之作用緣情而遣藻聊寫
恨於哀絃賦曰易何以首乾坤詩何以首關
雎惟人倫之伊始固天儂之與齊念

懿后之作配廿二年而於斯痛一旦之永訣隔陰
陽而莫知昔

皇考之命偶用掄德於名門俾述予而尸藻定嘉禮
於渭濱在青宮而養德即治壺而淑身織糟糠
之未歷實同甘而共辛乃其正位坤寧克贊乾

清奉

慈闈之溫清為九御之儀刑克儉於家爰始縲絲而
育繭克勤於邦亦知較雨而量晴嗟予命之不
辰兮痛元嫡之連棄致黯然以內傷兮遂邈爾
而長逝撫諸子如一出兮豈彼此之分視值乖
舛之疊違兮誰不增夫怨懟况顧予之傷悼兮
更怳恨而切意尚強歡以相慰兮每禁情而制
淚制淚兮淚滴襟強歡兮歡非心幸當春而啟

轡隨予駕以東臨抱輕疾兮念衆勞促歸程兮
大故遺登畫舫兮陳翟禕由潞河兮返內朝去
內朝兮時未幾致邈逝兮怨無已切自尤兮不
可追論生平兮定於此影與形兮難去一居忽
忽兮如有失對嬖姦兮想芳型顧和敬兮憐弱
質望湘浦兮何先祖求北海兮乏神術循喪儀
兮愴徒然例展禽兮謚

孝賢思遺徽之莫盡兮詎兩字之能宣包四德而

首出兮謂兩字之可傳驚時序之代謝兮屆十
旬而迅如睹新昌而增慟兮陳舊物而憶初亦
有時而暫弭兮旋觸緒而歎歎信人生之如夢
兮了萬事之皆虛嗚呼悲莫悲兮生別離失內
佐兮孰予隨入椒房兮閑寂披鳳幄兮空垂春
風秋月兮盡於此矣夏日冬夜兮知復何時
戊辰夏六月御筆鈐寶三乾隆意在筆先

引首

御筆 緣情發藻 鈐寶一 乾隆御筆

鑒藏寶圖 石渠寶笈所藏

御筆三希文翰 一卷

本幅金粟牋本縱八寸九分橫二尺八寸五

分行書

三希文翰 王羲之快雪帖王獻之中秋帖王

珣伯遠

俱見 乾清宮所藏 御臨王氏三帖卷

舊藏三王真蹟清暇臨摹屢矣茲值明窓雪霽

復手臨一過喜金粟牋古潤愜意孫過度以紙

墨相發為一合良然己巳臘月御臨鈴寶九深

心託豪素。鑑古會心不遠。圭璋文府。橘藻為春。
乾隆烟雲舒卷。乾隆宸翰。

引首

御筆 神溯琅琊 鈐寶一。乾隆御筆

鑒藏寶璽石渠寶笈所藏

御筆瀛臺詩意圖 一卷

本幅金粟牋本。縱九寸一分。橫一尺八寸三分。水墨畫。

瀛臺景并題

今日嘉平景漸遙。雲凝鳩鵲見琉璃。省農幸得逢真瑞。酬節欣惟奉

聖慈。蕉殿香花參梵相。液池罷虎試冰嬉。迎年臘鼓

春光近。今昔評量有所思。己巳臘日奉

皇太后遊瀛臺諸牒有述並寫為圖鈐寶四奉三無
私乾隆筆端造化

引首

御筆 蓬瀛勝賞 鈐寶一乾隆宸翰
鑿藏寶璽石渠寶笈所載

御筆章草千字文一卷

本幅金粟牋本縱八寸五分橫三尺二寸章

草書千字文

見 乾清宮所藏 陳淳書千字文卷

庚午新正。閱吳興千字文卷。曾仿章草書之。茲

得金粟古牋。愛其紙墨相發。復臨寫一過。心手

生熟。頗自領之。二月朔日。御筆鈐寶四。乾隆幾

暇。臨池如水如鏡。

引首

御筆 希心草聖。鈐寶三觀書為樂學古有獲

乾隆宸翰

鑒藏寶璽石渠寶笈所藏

御筆永恬居雙鹿圖 一卷

本幅金粟牋本。縱九寸橫四尺一寸。水墨畫
避暑山莊內永恬居景。嶺岫林坡兩鹿相鬪並

題

構築深谷中。嵐靄幻朝暮。名之曰永恬。允得岩
居趣。壘樹卷蒼翠。曲流繞蹊路。仙卉四時芳。好
山一窗具。滄泊足怡悅。春容而靜寤。買山合周
孔義。經於是注。山莊駐蹕之日。靜館憑眺見

陽坡雙鹿卓立而戲如相搏者然喜其暢遂得
所動於天機有物外趣因即境點筆成卷書近
作於後乾隆辛未秋永恬居御製鈐寶六即事
多所欣落紙雲烟雲霞思乾隆宸翰幾暇臨池
寓意于物

引首

御筆 澤深文圓 鈐寶一乾隆御筆
鑒藏寶璽會心不遠石渠寶笈所藏

御臨王羲之十五帖 一冊

本幅金粟牋本。十二對幅。每幅縱七寸一分。橫三寸九分。行書。

臨王羲之十五帖 十七日先書。郝司馬未去。即日得足下書。為慰先書。以具示復數字。吾前東粗足。作觀吾為逸民之懷久矣。足下何以方。復及此。似夢中語。耶無緣言。而為歎書。何能悉。龍保等平安也。謝之甚遲。見卿舅。

可耳。至為簡隔也。今往絲布單衣財一端示致意。計與足下別廿六年於今。雖時書問。不解濶懷。省足下先後二書。但增歎慨。頃積雪凝寒。五十年中所無。想頃如常。異來夏秋間。或復得足下問耳。比者悠悠。如何可言。吾服食久。猶為劣劣。大都比之年時。為復可。可足下保愛為上。臨書但有惆悵。朱處仁。今所在。往得其書信。遂不取答。今因足下答。

其書可令必達。足下今年政七十耶。知體
氣常住。此大慶也。想復勤加頤養。吾年垂耳
順推之人理。得爾以為厚幸。但恐前路轉欲
逼耳。以爾要欲一遊目汶領。非復常言。足下
但當保護。以俟此期。勿謂虛言。得果此緣。一
段奇事也。去夏得足下致印竹枝。皆至此
士人多有尊老者。皆即分布。今知足下遠惠
之至。瞻近無緣。省告。但有悲歎。足下小大

悉平安也。云卿當來居此，喜遲不可言。想必
果果言告有期耳。亦度卿當不居京。此即僻
又節氣佳，是以欣卿來也。此信旨還具示問。
天鼠膏治耳聾有驗否。有驗乃是要藥。

省足下別疏。具彼土山川諸奇。楊雄蜀都左
太冲三都殊為不備。彼故為多奇。益令其遊
目意足也。可得果。當告卿求迎。少人足耳。至
時示意遲。此期真以日為歲。想足下鎮彼土。

未有動理耳。要欲及卿在彼。登汶嶺。裁眉而旋。實不朽之盛事。但言此。心以馳於彼矣。彼鹽井火井。皆有否。足下目見否。為欲廣異聞。具示。省別具足下小大問。為慰。多分張念。足下懸情。武昌諸子亦多達宦。足下兼懷并數問。不知足下情至。旦夕都邑動靜。清和。想足下使還。具時州將桓公告慰情。企足下數使命也。謝無奕外任。數書問無他。仁祖

日往言尋悲酸如何可言 嚴君平司馬相
如楊子雲皆有後否五帝以來備有書又精
妙甚可觀也彼有能書者否欲因摹取當可
得不信具告往在都見諸葛頤曾具問蜀中
事云成都城池門屋樓觀皆是秦時司馬錯
所修令人遠想慨然為爾不信具示為欲廣
異聞

辛未孟冬臨右軍雜帖御筆鈴寶三烟雲舒卷

乾隆宸翰意在筆先

鑒藏寶璽石渠寶笈所藏

御筆仿李公麟明妃出塞圖 一卷

本幅宣德箋本縱九寸三分橫二尺八寸七分白描畫明妃出塞景款

壬申仲春上澣之九日法李公麟筆意於三希堂鈐寶三即事多所欣德克符幾暇怡情

引首

御筆 紫臺風概 鈐寶一 乾隆御筆

鑒藏寶璽石渠寶笈所藏

御筆畫田盤松石 一卷

本幅金粟牋本。縱九寸一分。橫一尺八寸。水墨畫卷石虬松款。

壬申三月。上澣之二日。寫田盤松石之概於靜
寄山莊鈴寶五見天心。化工四氣為全。施德充
符。得佳趣。天地為師。

引首

御筆 相賞意 鈴寶三游六藝圖 乾隆

鑒藏寶璽石渠寶笈所藏

御書無逸 一冊

本幅金粟牋本八幅縱四寸四分橫五寸五

分章草書無逸

經文款
不錄

壬申三月既望時雨優渥筆墨調潤書此一冊
意固不在點畫工拙間也御筆鈐寶四研露乾
隆幾暇臨池

鑒藏寶璽石渠寶笈所藏

御臨王羲之瞻近龍保二帖 一卷

本幅金粟牋本。縱八寸八分。橫一尺四寸一分。草書。

臨王羲之二帖。瞻近無緣。省告但有悲歎。足下大小。悉平安也。云卿當來居此。喜遲不可言。想必果言。告有期耳。亦度卿當不居京。此既僻。又節氣佳。是以欣卿來也。此信旨還。具示問。龍保等平安也。謝之甚遲也。

壬申三月。御臨真蹟。鈐寶一。乾隆宸翰。

引首

御筆。神契墨池。鈐寶一。乾隆宸翰。

臨金藏寶璽。石渠寶笈所藏。

御筆小大謠一卷

本幅金粟牋本。縱九寸一分。橫一尺六寸八分行書。

小忙大閒日。逐天小輸大受海。納川小積大餘。
白成年小往大來。愚避賢小失大得。姑與旃小。
懲大戒福小人。小點大癡。螳捕蟬小。重大輕銜。
與權小。損大益。自土蠲小。愛大樂。日惕乾小。
大謠一首。壬申仲夏月上。漸御筆。鈴寶二。乾隆。

引首

御筆 兩端駭舉 鈐寶一 乾隆宸翰

鑒藏寶璽 石渠寶笈所藏

御筆擬古詩 一卷

本幅金粟牋本。縱八寸八分。橫四尺一寸二分。章草書。

擬古詩

有唐

三百篇而下。言詩者以古詩為宗。舊

為十九。文選分為二十。後來擬作若陸士衡劉
休元諸人。分合不同。半全各適。然率求之詞致
聲調。意在肖似耳。夫擬古詩如臨古帖。不必似
不必不似。有意求似。未有能似者也。書不云乎。

詩言志。此詩之源也。沂源而達之。放乎四海。化
工之造物。豈枝枝葉葉而為之者哉。善夫蘇軾
之言曰。作詩必此詩。定知非詩人。此予擬古之
志也。人生無貴賤。誰能免別離。貴者厭契濶。
眷屬或挈隨。賤者乏勢力。願戀徒噫嘻。矢志篤
前盟。執手訂後期。亨屯縱殊地。要在尚可為。其
不可為時。解攜真解攜。擬行行重行行王孫不知期。河
畔草盈掬。少婦曷有括。園中柳條綠。霧披已恤

削風帶仍結束。君子今何之。豈不念幽獨。莫以

顏似花。而忘德如玉。

擬青青河畔草

松柏生高陵。鸞鶴

所翫翔。芙蓉出綠沼。鴛鴦相徜徉。自古有會宗。

三都及兩京。春色滿皇州。遊子忘故鄉。高樓酒

挹澆。康衢塵霏香。朝飲挾娥嬈。暮遊陪金張。暮

暮復朝朝。行樂何渠央。

擬青青陵上柏

今日復何日。美

難良具并。吳儂垂手態。越女過雲聲。愉者意氣

揚。悲者慷慨增。聽音非宮商。所貴能移情況引。

逸爵飛翠釜行侯鯖好樂莫孤時蟋蟀尚未鳴

麻姑若可倩奚慮王方平

數今日良宴會

高樓一何迥

西北來天風綺疏張四面雲霓飛三重其上何

所置笙歌羅綺叢中有窈窕人含悲獨無怵毋

乃賣餅妻離絃感曲衷一彈懷蒼莖三歎置絲

桐仰望層雲間愧彼雙飛鴻

數西北有高樓

言入淶波

曲采彼芙蓉花綠柄在我手白絲泉且斜感此

懷所思道路阻且賒可思不可見異覩空齋嗟

擬涉江采芙蓉惟月生於西金行故益皎始出東山上

漸歷銀漢表映水光帶寒麗午輪收小最能引
悲思乃至間蟲草芳蘭逝將萎蟋蟀啼未了時
節不我與胡不篤情好翻雲覆雨流詎識斷金

道

擬明月皎夜光

雙竹相扶持孤竹乃冉冉獨立憶其

侶颯沓秋風恠結禱向猶念秉垣初豈敢而胡
相棄捐焉能置情感情感亦何為不可追者時
憂傷易老成加飯留容姿容姿苟未衰會有相

見期

擬丹舟
孤生竹

中唐有蒼藟因風送芬遠所遲遙

未歸持此共誰遣折榮擬寄將芳歇英亦損山

川每多阻時節忽易晚

擬庭中
有奇樹

人間有別離天

上豈獨無億萬百千歲漢女懷星夫渡河非不

能天度不可踰。跂彼七夕臨永思終莫憶促曉

恨天鷄失林擬夜鳥

擬迫迫
牽牛星

僕夫戒行李駕言

升輕輿所志在四方豈必春妻孥朝待金馬門

暮登承明廬季子媿悔罪買臣妻歎愚丈夫志

既得安足論區區勒銘沉諸淵惟慮久或渝

遺

車駕東城何其高迤迤連雉堞城中多華屋朱

樓凡幾疊君看歌舞地人去空落葉及時不行

樂盛衰悲轉曉歸來丁令鶴夢失莊生蝶

擬東城高

且燕姝寧臺舞趙女邯鄲步閩易美服飾曼昧

工矚碩不豐亦不約宜喜復宜怒古來已稱絕

漢武寄餘慕當戶理瑤琴能譜相如賦

擬燕趙多佳

洛陽上東門門外連北邙陰風一何淒柏廷夏

亦涼富貴及貧賤。摠歸埋恨塲。黃壚卽厚夜。潛
寤浩劫長。曠息龍夫翰。銜輕蘭歇芳。虛名付史
策。真偽已莫詳。寥寥讀史者。又誰別臭香水碧
率。悞人蓬海浩茫茫。何如悟達生。隨時愛景光。
擬驅車昨日不可追。今日聊相依。一日復一日。
百年有盡期。大椿及朝槿。修短或少差。既其就
枯焦。一例蟲生之。及時稍遷延。老大空餘悲。
擬以者珠。百年人大限。如其壽者鮮。試問百歲人。定

云多益善何為憂千載戚戚眉莫展勸汝展雙

眉親串咸在茲良辰復美景品竹彈清絲去者

莫須憶縱憶安能知擬生年不滿百元冥司朔令節宴

月窮紀木葉落歸根河水凍連底青女剪碎瓊

散作冰花盡不樂復何為太康戒無已既命兔

園宴亦念東郭履宵長致良佳帳冷梅花紙宿

昔同衾人長眠呼不起是非翻來遲入夢輒歡

喜三年夢不來沉痛嗟何以擬凍凍歲云莫平在臨和

叔懸蟬入牀下朔風變嚴律悽聲來四野夜明
散冷光輪小願免寡感序自怍怍為憶知心者
睽阻幾千里攜潤已三夏朝來誰叩門雙鯉忽
在把重緘不忍開翻恐愁懷惹

擬孟冬
寒氣至
日日望

遠客居然來我前一日比三秋三秋九十年邂逅
適我願不語已如蘭傾蓋勝新知班荆續故
歡車笠尚義氣區區安足言

擬客從
遠方來

何來明月

光照入紗窓碧盈手餘清輝印心遠塵跡人生

境遇殊鮮不為物役歡聚尚多戚而况行邁客
惆悵感駒馳躊躇望簷隙擬明月何故乾隆壬辰秋
七月下浣御筆鈐寶五綫暇怡情得佳趣乾隆
宸翰一甌香乳聽調琴體道粹涵養

引首

御筆涵六義鈐寶一乾隆宸翰

鑒藏寶璽石渠寶笈所藏

御筆南苑雙柳樹賦一卷

本幅宋牋本

有震泉書畫舫印
莊真濟二記

縱九寸一分橫

三尺三寸九分行書

南苑雙柳樹賦 廣甸春風躡春騎兮玉驄伊

雙柳兮宿識欣向榮兮菁蔥念此地兮少遊緒

紛觸兮吾衷昔曾損一獨樹孤蹤伊誰補種新

匹舊同其舊復枯竇為主翁而何新竇代嬗莫

窮樹不能言長言以通若夫東門徒期上林復

起嵇康則夏月居之張緒則當年似已桓司馬
之金城所種攀枝泣然陶淵明之彭澤所栽酬
觴醺矣雖亨屯之路殊揔未出乎情之所使也
爾其枯楊生稊老夫得其女妻雖云過以相與
何妨聊復宜之豈知夫何能故者曰世不再來
者惟時則見牂牁老葉蕭蕭敗枝強搖金以梳
風漫寫玉以臨池對嫩條而常覺怛怛憶昔侶
而那置依依值秋風而不禁盭朝露而豈辭好

事者憐之曰樹可亡也名不可亡也幻者常之
幻也常者幻之常也乃復移置新者而使成雙
焉蓋經余見者三十年之間新舊迭為賓主者
凡三矣嗟夫舊閱新而成故故何新之恒齊奇
合偶而成雙雙何偶之弗離觀兩樹之如斯雖
萬事其可知暮而隱几若有星宿之昆前而言
曰大椿過八千朝槿榮其後是誰之詩乎曩何
為而弗惜今何事而余悲乎且夫建木則大五

千園蟠桃則歷九萬歲劫至數盈根靈節瘁不
聞名以實傳實以名寄如兩樹之閱滄桑而永
世焉昌昌生意未婆婆方來日月其正多不亡
者存感則那言訖而去若尼拘使者之相遇也
乾隆癸酉清和月上澣御筆鈐寶三靜中觀
造化乾隆

引首

御筆 體物觀化 鈐寶一乾隆御筆

鑿藏寶運執兩用中觀書為樂內府圖書石渠寶

笈所藏

御臨王羲之草書 一卷

本幅宣德牋本縱八寸七分橫三尺三寸五分
分草書

臨王羲之八帖旁注釋文 吾怪足下恭朝少晚
不審有何事情致便如然也王羲之再拜
前從洛至此未及就彼忝承願夫子勿悒悒
矣當日緣明府共飲遂闕問願足下莫見責
羲之頓首 十一月廿七日羲之報得十四

十八日二書知問為慰寒切比各佳不念憂
勞久懸情吾食至少劣劣力因謝司馬書不
具義之報 十月七日義之報前過足下所
得其書想殊有勞弊然叔兄子孫有數人足
慰目前情至取答委曲故具示可令必達以
副此志且山川甚有形勢遠想慨然又出藥
精要有驗信此可致當大惠也從弟分別吾
深憂慮卿女軾軻想何可處若克喜言不多

耳義之 皇象草章肯信送之勿三當付良
信 阮生何如此粗平安數絕問為慰 義
之白君晚可不想比果力不具王義之 得
遠嘉興書計今日必度喜遲可言足下至慰
今有書想足下有肯信別告具之

右臨右軍草書八則癸酉長夏御筆分鈐寶樂
天三希堂內府圖書觀書為樂意在筆先即事
多所欣樂意寓靜觀忘機心宇曠涵養用敬學

鏡千古吟咏春風裏深心託豪素落紙雲烟學
轉禮耕寫心烟雲舒卷乾隆筆花春雨乾隆御
筆描藻為春長春書屋御製

引首

御筆 神愜豪素外 鈐寶三深心託豪素乾隆
融益藏寶璽石渠寶笈所藏

御筆習字詩一卷

本幅宋牋本

有美紙書
二百氏二記

縱八寸八分橫二

尺五寸八分行書

御製習字詩

襄陽曾有言書紙十萬整散布在人間仍以娛
老景持出少年書欲換人不肯不識之姿媚入
道天然境英雄善欺人至今聲譽炳我亦屢更
書惟因遣日永前後試校衡犁然不可並斯之

未能信儒臣漫相請名手曰張愷技同運斤郢
善去舊者蹟如空不留影問其質為誰冷金端
本等事必有其類藝苑新聞耿十萬不為少顛
翁猶動屣至今存幾紙愛書人可省 每見數
年前書輒欲易去此宋牋亦曩時乘興筆命張
愷洗淨重書近作習字一首時癸酉六月也御
筆鈐寶三合經味道乾隆宸翰務時敏

後幅臣工恭跋

皇上仰惟以天縱之聖懋日新之功雖餘游藝有以

見行健自強之用自古臨池名蹟既集其大成

奎章寶墨卷軸充棟而好古敏求猶復孜孜不怠

恭輝

聖製詩中有感於米芾十萬紙語而深取其致力

之勤龜此巨海不擇流泰山不辭壤之宏量

也以宋牋質粹而古筆墨相發乃滌迹更書

此藝林向所未聞而即集緹囊御再滌之盛

德也張愷執藝小臣以微能荷蒙

鑒賞亦且依

日月而不朽此因材器使對非不遺之大用也屢

年

宸翰俱臻神妙乃不以己至者為難能而精益求精

精入道天然獨行心得此

聖學之純亦不已所由日進無疆也即書法一端

而全體具見

勤政誠民之暇涵養從容寸陰是惜至於如此臣

等幸侍

清

秘心殷鑒仰惟自愧禱請不克警奮以仰副

萬一云臣蔣溥臣汪由敦臣徐瑞臣觀保臣

錢維城臣于敏中拜手恭跋臣汪由敦敬書

於印二臣由敦敬書

引首

御筆 有禪趣 鈐寶一 乾隆御筆

鑒藏寶璽石渠寶笈所藏

御臨馬遠梅花一冊

本幅金粟牋本。五對幅。每幅縱四寸二分。橫二寸二分。淺設色。仿馬遠畫。一踏枝寒雀。二玉梅坡石。三橫枝。四斜枝對出。五古柯朽幹。六月色斜橫。七垂柳。八過牆梅花。九雪竹寒葩。十泉澗山梅款。

癸酉孟秋。仿馬遠真蹟於抑齋。每幅分鈐寶寫生樂天。取益在廣求。筆端造化齋物。菊水月在。

手。棗雲。三希堂中心止水靜。大塊假我以文章。
古香。太卦。

鑒藏寶壘。古希天子。五福五代堂。古稀天子寶。八
徵耄念之寶。石渠寶笈所藏。

御筆夜亮木賦 一冊

本幅金粟牋本。八幅縱五寸二分橫七寸行書。

夜亮木賦。東坡先生謫居黃州。蠶烟瘴雨之鄉。不改其樂。青鎖玉堂之側。敢忘其憂。則施施而行。舒舒而遊。惟木石之與居。亦鹿豕而為儔。一日者入深林。窮迴谿。蒼然其暝。不辨東西。觀一物焉。晶晶熒熒。燦燦離離。匪蛟人之宮。宛呈

火齊豈天祿之閤乃示熈藜遠而跡之謝鶴跡
之布暖暱而迫之肖螢火之生輝是何繼明之
屬而光怪若是其離竒也哉於是徒倚徬徨瞻
矚審詳厥有卧木於河之陽生意已盡葉落枝
僵皮膚瓦裂癭瘤土囊木魁之所柳榆山精之
所潛歲千齡寂滅萬古荒涼雖有九轉之丹祖
洲之萃不能起其生機豈復異其妍好是固匠
石之所棄顧漆園徒資諧喻棟梁弗任繩墨乖

度永辭剗劇不受丹蘄埋沒沉淪訖無用處乃
其日月駐照雨露垂滋豈有取舍不分公私否
之極者泰斯復暗之盡者彰亦隨則見夫微微
耀吐熠熠精發含陰火之拂鬱比木難之燭蔚
可以奉車子之囊可以掩絨阿之闕失路者得
津夜遊者棄燭文梓徒爾青牛貞松彼哉白鹿
枯樹緬東陽之度朽社託高橋之陸蘇子愀然
托腕竦立而歎曰木必先腐也而後蟲生之謂

永世其無用。而尚有自見之時。况萬物之最靈。豈終不及乎斯。相隨二任。顧而問焉。是固極南離明之區也。若夫長城之北。迤邐陰山。人跡之所罕至。鳥獸之所盤旋。陽燄陰燒。冰碎曠暄。孕焱揚燭。舒爛爭端。不假人力。豈伊火傳。孰繼其後。孰啟其先。蘇子失答。笑而弗言。壬申秋八月。避暑山莊。製癸酉秋塞垣行在再書。鈴寶三。得象外意。乾隆宸翰。游六藝圖。

鑿藏寶璽古希天子五福五代堂古稀天子寶八
徵孝念之寶石渠寶笈及所藏

御臨趙孟頫寫生 一冊

本幅金粟牋本。四對幅。每幅縱四寸二分。橫二寸一分。水墨仿趙孟頫寫生。一蘭二枯木三鳳尾竹。四藍菊五蘭六雨竹七枯木末對

幅款

癸酉仲秋。法趙孟頫真蹟於圓明園之池上。居以娛幾暇。每幅分鈐寶潑墨。用筆在心。愛竹學心。虛中和。幾暇臨池。秀色入窓。虛宸翰。乾隆半

榻琴書

鑒藏寶璽古希天子五福五代堂古稀天子寶八
徵耄念之寶石渠寶笈所藏

御書李白夢遊天姥吟 一卷

本幅宋牋本。縱八寸四分。橫三尺六分。行書。
李青蓮夢遊天姥吟留別長句。海客談瀛洲，
烟濤微茫信難求。越人語天姥，雲霓明滅或
可覩。天姥連天向天橫，勢拔五嶽掩赤城。天
台四萬八千丈，對此欲倒東南傾。我欲因之
夢吳越，一夜飛渡鏡湖月。湖月照我影，送我
至剡溪。謝公宿處今尚在，淅水瀟瀟清猿啼。

脚着謝公屐身登青雲梯半壁見海日空中
聞天雞千巖萬轉路不定迷花倚石忽已暝
熊咆龍吟殷巖泉慄深林兮驚層巖雲青青
兮欲雨水澹澹兮生煙列缺霹靂丘壑崩摧
洞天石扇訇然中開青冥浩蕩不見底日月
照耀金銀臺霓為衣兮風為馬雲之君兮紛
紛而來下虎鼓瑟兮鸞迴車仙之人兮列如
麻忽魂悸以魄動恍驚起而長嗟惟覺時之

枕席失向來之烟霞。世間行樂亦如此。古來
萬事東流水。別君去。兮何時還。且放白鹿青
崖間。須行即騎訪名山。安能摧眉折腰事權
貴。使我不得開心顏。

乾隆癸酉仲秋塞上行帳書鈴寶三觀書為樂
乾隆宸翰含經味道

引首

御筆 蓬瀛仙侶 鈴寶一 乾隆御筆

鑒藏寶璽石渠寶笈所藏

御筆南苑雙柳樹賦 一冊

本幅金粟牋本八幅。縱五寸二分。橫七寸行

書

南苑雙柳樹賦

見前款

癸酉春月。南苑行宮。製是歲季秋。書於木蘭武
帳。鈐寶三。乾隆筆端造化。

鑒藏寶璽。古希天子。五福五代堂。古稀天子寶。八
徵。羣念之寶。石渠寶笈所藏。

御臨黃庭堅苦筍賦 一卷

本幅宣德鈎花箋本。縱八寸八分。橫三尺二寸。行楷書。余酷嗜苦筍。諫者至十人。戲作苦筍賦。其詞曰。焚道苦筍。冠冕兩川。甘脆惟當。小苦而及成味。溫潤稔密多啗而不疾人。盖苦而有味。如忠諫之可活國。多而不害。如舉士而皆得賢。是其鍾江山之秀氣。故能深雨露而避風烟。食肴以之開道。酒客為之流

涎彼桂斑之與夢永。又安得與之同年。蜀人
曰。苦筍不可食。食之動痼疾。使人萎而瘠。予
亦未嘗與之言。蓋上士不談而喻。中士進則
若信。退則眩焉。下士信耳而不信目。其頑不
可錫。李太白曰。但得醉中趣。勿為醒者傳。

黃山谷剛介。有骨鯁之風。故其好尚如此。癸
酉初冬。御臨。并識。鈴寶二。乾隆。

引首

御筆 彷彿其人。 鈐寶。 一。 乾隆御筆。

鑒藏寶。 石渠寶笈及所藏。

御筆菴園八景詩一卷

本幅宋牋本。縱二寸五分。橫八寸八分。行書。
菴園八景 一亭一沼。爰靜神遊之鄉。非登非
林。自足天成之趣。此中大有佳處。物外聊爾寄
情。不為嵩山之比方。偶效右丞之格調。朗潤
齋。 機絨合希夷。水木呈明翠。銀塘橫半畝。萬
頃烟波意。 湛景樓 樓臨內外湖。地高望斯
遠。湛然虛且明。絜矩出治本。 菱香泚 風前

度彌靜。雨後香益清。彷彿吳興岸。菱歌唱晚晴。

青蓮朵。藍瑛碑。側石名之青蓮朵。介示無

去來默傳。忘物我。別有天。總此一大內。漫

稱別有天。達人請坐井。匪我古已然。韻天琴

石。漱出淙乳。儼中宮商音。我不解攫。醉而愛

韻天琴。標勝亭。笠亭據假山。亦足云標勝

鼓。擬宣城蹟。合得謫仙詠。委宛藏。境以曲

折幽。中宏。廷外。廣尺宅。舍寸田。至人貴。知養

乾隆甲戌御筆鈐寶二古香太环

引首

御筆 得少佳趣 鈐寶一乾隆宸翰

鑒藏寶璽石渠寶笈所藏

御筆墨妙軒法帖序一卷

本幅金粟牋本縱九寸一分橫一尺七寸五分
分行書

朕聽政之暇翰墨自娛內府所藏書家真蹟無
慮數十百種展閱之餘手自摹寫品評題識至
於再三丁卯歲有三希堂之刻已駢羅其中藝
林墨寶畧為大備近復搜遺石渠得唐賢褚遂
良以下若而人凡三十餘則彙為四卷顏曰墨

妙。鐫之貞石用廣流傳。古澤發於行間。新香流於字裏。不獨使前人遺墨。架度常昭。亦以俾後學臨池。津梁可逮。以是為三希之續。固非與淳化大觀爭多角勝也。乾隆甲戌御題。鈐寶二。即事多所欣。乾隆宸翰。

引首

御筆 汲古 鈐寶一。乾隆御筆

鑒藏寶。璽石渠寶笈所藏

御筆前後哨鹿賦一卷

本幅明仁殿紙本

有明仁殿
金守紙記

縱三寸橫二尺

七寸行書

哨鹿賦

有

賦者古詩之流詩以言志其有不能

盡言之志則賦可以申之我

皇祖昔喜哨鹿朕冲齡隨侍習聞其事年來乃親試
為之嘉其有合於聖經顧古人無賦之者故不
愧無文其詞曰伊白露宵中之候正伊尼孳

尾之時生不息焉洪鈞運而誰測物雖蠢也氣
機至而咸知故三序則牝牡各從其類惟中秋
斯牝牡各媾其妃強有力者不惟挾兩而累十
弱無能者或之獨匹以相隨或依林而命侶或
據嶺而分畿或捍宮而傲衆或謹守以自持或
恠效而攘彼或竊取以私其萬態紛其莫窮一
以音而宣之於是虞人善因聲以察情爰體情
以毀聲喜金風之颯爽值玉宇之晶明霜重而

不言其冷。露濃而。那覺其零。陵嶮巖而。如登衽
席。冒蒙茸而不異。戶庭。慮吾遊之晏。起。虞原獸
之急。鳴。風戒僕而。奚從。欣。戴月而。披星。舍彼寬
衣。宜茲短服。荷長哨於左肩。出象首於右簷。躡
增陟峻。沿谿穿谷。攀蘿兮。豈辭胼手。履石兮。何
妨植足。蓋以暢茲心神。詎惟饜其口腹。於焉蹙
乎。崔嵬。軼彼寒差。上干丹楓之嶽。下視白雲之
隈。上風。飈切之避。忌陽林。晃耀。則迂迴。就叢薄。

之蔽翳反獺裘而毳毼衆條理焉畢會乃得條
雄之爭匹者。呦踉蹌而徐來。角八叉兮疑疑耳
雙聳兮濕濕。挺強項兮莫櫻。轟靈臬兮善觀。始
嚇侶兮自閑。乃妬異兮矜急。既澹澹兮疾赴。復
鶩鶩兮少戢。蓋屢試兮絕猜。遂銳志兮直入。爾
其動林無形。匪風有響。適其將至。撤爾懼往。奮
角思觸。測眈爭長。則在夫能哨者善達。變以隨
機。比用中而執兩。或激其怒兮使進。或示以弱

兮令放。惟察情之喜怒，乃應聲為低昂。盖用心於既專，斯通靈而不爽。既然矣，無動無慮，不徐不遽。薦麋合之前，陳陡應叱而少住。屏營收息，量卑揣高，傍斗窺星，度分以毫。審度發機，馥馥焉中膏。命處擇肥，登於大庖。若夫多疑旁剔，既進中止。膽劣心狷，狐猜狼視。未交戰而長跣，毆叢樾而如駛。則亦比之窮寇之莫追，又何必焚林而盡取哉。盖嘗研精哨鹿之理，而知五德焉。取

一以新。匪二以頻。仁也。逆者斃之。去者寘之。義也。爰登簋簋。爰嘏福履。禮也。招之即至。獲之即遂。智也。呼哨以進。射宿凜訓。信也。如是者。蓋有合於聖人之洪道。而又豈潘岳耽盤流遁之所誠。相如子虛上林之所嘲也哉。

後哨鹿賦。或問哨鹿之時。之法。之義。蓋已蘊賅前賦矣。若夫冒凜冽之霜晨。衝蒙翳之林薄。踐岑峯之巉峯。涉沮洳之幽壑。十哨未必一來。

十來未必一獲。獲乃心折。失斯興索。多見其勞。鮮聞其樂。則何不張堂堂之圖。按徐徐之度。收藉藉之富。免皇皇之謔。而故為是寒征而曉作者。何哉。曰吁。是何言耶。是何言耶。見上障葛燈而嗟為已過者。非忘其先也。耶逸則淫而勞則思。季氏之婦猶聞之。圖可弛其惕。乾耶。或曰惕乾者。蓋不若是矣。意者慎大寶居。法官屏九御。接三公。劬農政。熙天工。豈謂當即鹿於隍中耶。

曰。子知其一。未。知其二。坐。吾語汝。賦以見意。若夫高談堯舜。深處廟廊。文恬武嬉。內弱外強。孰不喜夫逸體。而庸詎知其顏網也哉。且也身歷其難者。告之以人之難。而不知人之饒者。方謂何不食肉糜也。是以神區天闕。後法

先垂詰戒。習衆謹度。節時園以示正。哨以出奇。得之艱者。趣斯永躬。其勞者樂亦隨。蓋理境之當窮。可絜矩而深思也。於是秋本蕭辰。塞猶棲所。宵

風定兮林靜。曉月上兮山岵。儻儻者妬羣。俟俟者
攜侶。遵彼蹻蹻之蹊。如或殷殷而佇。吹長哨
以通情。似應聲而答語。去亦弗追。來亦弗拒。則
有強者捍。疾弱者趨。起猜者飄。警怯者踟躕。忼
慨者恚。性昏瞶者糝糊。雖人情之萬態。亦奚有
以異諸。緣輻物來。獲一勝百。其來也。亦惟去之
是慮。其獲也。夫何失之足惜。去與來。固難期之
儻然。失與獲。亦無定之屢易。吾因以忝如幻於

現前愛景光而為適也。爾其問夜宵衣，據鞍策馬，萬帳燈明，七萃聲竄，是則始出營而覽離奇，晃耀之狀也。若夫炬影漸遠，夜色猶暝，峯嶺繞分，林樹未形，乍如夢遊玉樓十二仙人京，乃其曉蟾初吐，或半或圓，隔葉漱露，度水翻瀾，又如虹橋可躡，徑欲造廣寒，高山出雲，雲去山在，變幻頃刻，步移觀改，則何異夫黃山之海，赤烏扶桑，霧斂氛開，玫瑰鞞鞞，熊熊回回，又奚數其初。

子畏意欲擬李唐畫也。連林人不覺。獨樹
衆乃奇。偶過眉公山莊。閒寫信筆。點綴秋意。
密樹含春雨。蒼山帶晚雲。幽人住深塢。城
市一溪分。此董北苑粉本。鄭元祐題詩也。

宋人多為雪景。元季四大家。不甚為雪圖。今
日偶仿之。亦不得工。春水生時。舟行洞庭
湖中。望長雲瀰漫。絕似遠山千疊。此圖可稱
楚山清曉。庚午十月。丹陽城下畫舫書。遙

傳北固駐襜褕為采風謠八繪圖懷古定尋
丁邨跡登山誰作癸庚呼星河秋度天孫鶴
雲檻朝飛御史烏意氣論交瓊玖贈何人存
記釣魚徒東海泱泱舊建牙隼與龍節墨
書加行間旌鼓高文苑字裏風霜凜法家盾
墨磨將毫散彩暮蓮開處劍生花雖然方叔
稱元老不似馮唐遇主賒專城四十尚為
雄况復東南倚折衝虎視幾當青眼客鷹揚

翻屬黑頭公。誕彌夏帝乘權始。賦有吳郡在
部中。極目竒雲壺島外。旌幢來自蕊珠宮。

曾請長纓廿載前。新加大纛王恩偏。寧知歲
月郎潛久。猶道春秋鼎盛年。弧矢正懸森戟
庫。兕觥交進闡茶天。同時九牧揆予志。多有
悲歌老驥篇。余年十八學晉人。書得其形
模。便目無吳興。今老矣。始知吳興書法之妙。
每見寂寥短卷終日愛玩。吳興云俗子朝學。

執筆夕已有自誇今知免矣董其昌為信孺
兄頌

乾隆甲戌夏日臨御筆鈐寶二乾隆

鑒藏寶璽石渠寶笈所藏

御筆玉泉山雜詠 一卷

本幅宋牋本。縱二寸五分。橫一尺二寸四分。
行書。

玉泉山雜詠十六首。玉泉山蓋靈境也。雖亭
臺點綴。時有晦明。而山水吐納。嵐靄朝暮。與造
物相終始。故一時之會。前後迥異。一步之移。方
向頓殊。吾安能以十六景概之。即境雜詠。復成
十六首。數竿竹是湘靈瑟。一派泉真流水琴。

淨洗聞塵澄耳觀不知何處覓清音清音竹樹

園中翰墨筵優游良覺沃心田偶來便爾忘歸

去滿日生機摠靜妍華滋危亭四柱據層峯攜

得峯雲一袖濃恰似梵天花雨裏珠宮每冠玉

芙蓉冠峯何處飛來此落伽默然不更轉三車

設云義諦無餘轉者箇非忘見轉差觀音於此

賞心過每多春風秋月周巖阿十年前題綠壁

字一彈指頃纔幾何寶遇豐隆拔濟不可止形

其奇峯色其綺借問長繩繫得無小試為之旋

飛起飛雲行雲流水定何蹤試筆欣當五合逢

慙愧會稽王內史至今猶說墨雲濃試墨曲徑

沿堤兩檻分雲容嵐態摠堪欣恰如一月千江

印全體徒勞擬議紛分檻曲折迴廊致有情檻

依瀉玉靜中鳴靈巖若復相衡量響屨還嫌太

艷生寫琴杳嶂威紆列繡屏每當過雨便來青

畫家欲擬真粉本嵐靄何曾有定形延絲絲句

高低繪黍禾。犁雲鋤雨較如何。一年最是關心

處。憂為茲多樂亦多。犁雲何年駐錫應真羣。坐

席霏微花雨芬。試問誰摩著也未辨才到此竟

難分。羅漢金剛如者都稱六。梵帙原來更有三

三亦非多六非欠本無一物箇中函。如如絕頂

平凌下視雲水村山郭望中分。以斯朗照通為

改何慮人情物理紛。層明青蒲戟戟石磷磷。錯

落傾來萬斛珍。最是松風蘿月下。夜深彷彿見

陽之臺於馬入深樾凌崇巖密容單騎疎見線
天千年落葉蟬緘谷填色作黃金風吹不翻臭
如沉水履若屬穰穰徇乎靜真乎忽訝夫身入
布地之園而伊尼之羣方且左右前後與人周
旋失兮獲兮勞兮樂兮率已相忘於無何有之
禪矣問者茫然不知所謂懣懣跼跼唯唯而退
前賦成於己己之秋癸酉復為後賦向曾命
筆書之分裝卷冊茲復合書成卷聊誌樂事非

欲規模赤壁也中戊夏御筆鈐寶一席上珍

引首

御筆 行秋寄暢 鈐寶一 乾隆宸翰

鑒藏寶璽石渠寶笈所藏

御臨董其昌雜書

一冊

本幅金粟牋本。四對幅。每幅縱三寸八分。橫二寸四分。

臨董其昌行書。許中舍。余座師文懿公之孫。攜趙伯駒萬松金闕圖見示。有李將軍父子家風。非李唐劉松年輩所能夢見也。款賞信宿。余以其意為此。兩窓展古畫卷。轉精神相洽。拈筆仿之。成此十冊。孫過庭云。偶然欲書。

謂之一合。畫道亦如是耳。畫家以古人為師。未是了手。當以天地為師。海外九洲皆足粉本。余此圖偶想及祝融峯下。抵輿捫葛時。便自一指而就。余得大姚村圖。乃高尚書真跡。烟雲淡蕩。格韻俱超。果非子久山樵所能夢見也。為此圖以仿之。夏山雨過。此圖成後。天地陡黯。雷聞雨暝。似畫欲飛去也。唐子畏詩。紅樹青山飛亂雲。此圖似之。然非學

鮫人

進珠泉

山中樹石不妨蒼閣裏夏深還覺涼

寥天大野何空濶襟袖之間意與長

心遠

甲戌

夏日御筆鈐寶二比德朗潤

引首

御筆 悟衷散賞 鈐寶一 乾隆宸翰

鑒藏寶璽石渠寶笈所藏

御筆射虎行并圖 一卷

本幅金粟牋本。縱九寸二分。橫三尺二寸四分。水墨畫岡樹坡陀。飛騎射虎。并題。

風生叢薄於菟馳避人竄伏耽旁窺羽林多有
射生手。隔川命中曾無遺。僕姑一發那藉再。哆
吻白首陳橫陂。據險出奇復不懼。咆哮白額如
視狸。斬將奪旗有如此。卞莊李廣非所知。甲
戌秋八月塞上行。圖作射虎行。并圖以紀事。御

筆鈴寶三乾隆意在筆先

引首

御筆 義存服猛 鈴寶一 乾隆御筆

鑒藏寶璽石渠寶笈所藏

御臨蘇軾論畫帖 一卷

本幅蠟牋本縱九寸一分橫二尺九寸二分
楷書 智者創物能者述焉非一人而成也
君子之於學百工之於技自三代歷漢至唐
而備矣故詩至於杜子美文至於韓退之書
至於顏魯公畫至於吳道子而古今之變天
下之能事畢矣道子畫人物如以燈取影逆
往順來旁見側出橫斜平直各相乘除得自

然之數不差。豪末蓋古今一人而已。余於他
畫或不能必其主名。至於道子望而知其真
偽也。然世罕有真者。如全叔所藏平生蓋一
二見而已。元豐八年十一月七日書。

東坡此書倣顏真卿用縮本臨之。甲戌冬日御
筆。鈐寶二。乾隆宸翰。圭璋文府。

引首

御筆 期透紙背 鈐寶一 乾隆宸翰

臨金藏寶墨石渠寶笈所藏

御臨蘇軾中山松醪賦一卷

本幅蠟牋本。縱九寸二分。橫二尺九寸。行書。

始子宵濟於衡漳。軍涉而夜號。燧松明以

記淺。散星宿於亭臯。鬱風中之香霧。若訴予

以不遭。豈千歲之妙質。而死斤斧於鴻毛。效

區區之寸明。曾何異於束蒿爛文章之糾纏。

驚節解而流膏。嘻構厦其已遠。尚藥石之可

曹。收薄用於桑榆。製中山之松醪。救爾灰燼。

之中免爾螢燭之勞。取通明於盤錯。出肪澤
於烹熬。與黍麥而皆熟。沸春聲之嘈嘈。味甘
餘而小苦。歎幽姿之獨高。知甘酸之易壞。笑
涼州之蒲萄。似玉池之生肥。非內府之蒸羔。
酌以瘿藤之紋樽。薦以石蟹之霜螯。曾日飲
之幾何。覺天刑之可逃。投拄杖而起行。罷兒
童之抑搔。望西山之咫尺。欲褰裳而遊遨。跨
越峯之奔鹿。接挂壁之飛猱。遂從此而入海。

渺翻天之雲濤。使夫嵇阮之倫與八仙之羣
豪。或騎麟而翳鳳。爭棹挈而歛操。顛倒白綸
巾。淋漓宮錦袍。追東坡而不可及。歸蒲歆其
醜糟。漱松風於齒牙。猶足以賦遠遊而續離
騷也。

蘇軾中山松醪賦。乾隆甲戌冬御臨鈴寶二。乾
隆宸翰得象外意。

引首

御筆。體物餘酣。鈐寶一。乾隆宸翰。

鑒藏寶璽石渠寶笈所藏。

御臨蘇軾帖一卷

本幅宋牋本。縱八寸八分。橫三尺七寸。行書。前後所示著述文字。皆有古作者風力。大畧能道意所欲言者。孔子曰辭達而已矣。辭至於能達止矣。不可以有加矣。經說一篇。誠哉是言也。西漢以來。以文設科。而文始衰。自賈誼司馬遷。其文已不逮先秦古書。况其下者。文章猶灑。况所謂道德者乎。若所論周勃。

則恐不然。平勃未嘗一日忘漢。陸賈為之謀
至矣。彼視產祿猶几上肉。但將相和調則大
計自定。若如君言先事經營。則呂后覺悟。誅
兩人而漢亡矣。軾少時好議論古人。既老涉
世。更變。往往悔其言之過。故樂以此告君也。
儒者之病。多空文而少實用。曾誼陸贄之學
殆不傳於世。豈意姻親中乃有王郎乎。

甲戌冬。御臨蘇軾帖。鈐寶三。乾隆勤學好問。

引首

御筆 典型是慕 鈐齋一乾隆御筆

鑒藏寶璽石渠寶笈所藏

御臨蘇軾妙高臺詩帖一卷

本幅宋牋本。縱八寸三分。橫一尺七寸。行書。
我欲乘輕舟。東訪赤松子。蓬萊不可到。弱
水三萬里。不如金山去。輕風半帆耳。中有妙
高臺。雲峰自孤起。仰觀初無路。誰信平如砥。
亭中老比丘。碧眼照窓几。巉巉玉為骨。凜凜
霜入齒。機鋒不可觸。千偈如翻水。何須尋德
雲。即此比丘是。長生未暇學。請學長不死。

蘇軾妙高臺詩帖。乙亥冬月御臨。鈐寶三。內府
圖書。長春書屋御製。乾隆御筆。

引首

御筆。腕底清風。鈐寶一。乾隆御筆。
鑒藏寶。墨石渠寶笈所藏。

御書無逸篇 一卷

一本幅金粟牋本。縱九寸。橫二尺七寸六分。楷書。周書無逸篇。經文不錄

自塞外迴鑾。尚未至御園。政務稍暇。欲一駐蹕。便遊萬壽玉泉諸勝。命閣部本章。及軍營奏報。到即呈進。其庶事引見。俟回宮再理。乃偶感寒。兩日齋中避風。書無逸遺暇。率成二十字。題後。合是勤勞人。偷閒擬三日。閉戶養微疴。懺悔。

書無逸。乾隆二十年乙亥仲冬月上旬御筆。
鈴寶四。見天心莊敬日強。乾隆。

引首

御筆。古訓是式。鈴寶一。乾隆御筆。

鑒藏寶璽。石渠寶笈所載。

御筆墨梅一軸

本幅金粟牋本。縱一尺七寸二分。橫九寸二分。水墨畫梅花款。

乙亥小除夕。寫於坤寧宮。鈐寶四。乾隆卅有同春。稿藻為春。附臣工敬題。

百卉赴昌期。梅花信最捷。一枝天下春。元氣通呼吸。悠然生意動。適與

天心協。淡墨數點花。暗香如欲襲。妙趣不在多。大

地和風習。合放具姿態。抑昂成母點。遠邁揚。吳工直追義。厥法懸之玉堂中。清光浮寶笈。臣蔣溥敬題。鈐印一。臣溥。

冰融硯沼寒香發玉琢玲瓏清入骨花骨墨

彩出

天真中宵乍動黃昏月獨幹新抽如削鏡東閣舍

毫幽思結信風欲到已迎年來蕊將舒猶待

雪爆竹聲中暖律回萬卉千花取次催

化工自報春消息管領韶華編九域汪由敦敬

題鈴印二臣敷敬書萬卉含生象寒梅獨占先雪餘初破萼雀雀

欲爭妍寓意

化工筆移情水竹造定知憑驛使喜信一時傳雅

韻穿師古珠枝自逼真瓊苑空色相鍊幹有

精神月淨娟娟夜烟生細細春暗香浮几席

管領歲華新臣介福敬題鈴印二臣介福

蕊珠欲放最清妍天意全憑

聖燕傳香在毫端春在手一枝管領百花先一氣元功融臘深

先春消息。逸瑞林。即看數點。天葩。總是陽
和化育心。玉治春回。古幹斜。生香常與護。意
新。年年柏酒。椒盤裡。寫出東風第一花。鹿角
期近。傳得人間最好春。臣于敏中敬題鈴印

鑒藏寶璽石渠寶笈所藏

御臨蔡襄北苑十詠 一冊

本幅金粟牋本。八幅縱六寸五分橫四寸六

分。行書。

臨蔡襄北苑十詞 曉行東城隅。光華著諸物。

溪漲浪花生。山晴鳥聲出。稍稍見人烟。川原

正蒼鬱。

出東門向
北苑路

蒼山走千里。斗落分兩臂。

靈泉出地清。嘉卉得天味。入門脫世氛。官曹

真傲吏。

北苑

造化曾無私。亦有意所加。夜雨作

春力朝雲護日華千萬碧玉枝
戢戢抽靈芽

一茶 春山逐紅旗散入青林下
陰崖喜先生新

苗漸盈把競攜筠籠歸更帶山雲寫
採茶 屑玉

寸陰間搏金新範裏
龍鳳茶八片為一般上品龍茶每劬二十八片

規呈月正圓勢動龍初起出焙香色全
爭誇

火候是
造茶其年改作新茶十劬尤甚精好被旨號為上品龍茶仍歲貢之 免

毫紫甌新鱗眼清泉煮雪凍作成花雲
開未

垂纒願爾池中波去作人間雨
試茶 山好水亦

玲清切甘如醴。朱幹音幹的方窵。玉壁見深底。

勿為先渴憂。巖扃有時啟。御井井常泉水循

涂明。中坻龍橋首振足。化仙坡。回晴窺畫牖。

應當歲時早。噓吸雲雷走。龍靈禽不世下。刻

像成羽翼。但願醴泉飲。豈復高梧息。似有飛

鳴心。六合定何適。鳳清晨挂朝衣。盥手署新

茗。騰蚪守金鑰。疾騎穿雲嶺。修貢貴謹嚴。作

詩諭遠永。修貢亭余自採撰
時入山至貢畢

蔡襄書為宋四家之一。當時盛相推重。今所傳
荔支譜茶錄而外。此十詩皆其作意書也。乾隆
丙子孟春之月。御筆臨於三希堂鈐寶四几席
有餘香。用筆在心。乾隆宸翰得象外意。

鑒藏寶璽五福五代堂寶八徵耄念之寶石渠寶
笈所藏

御臨蘇軾春帖子詞 一冊

本幅金粟牋本。八幅。縱六寸五分。橫四寸六

分。行書。

臨蘇軾春帖子詞 翰林學士臣蘇軾進皇帝

閣。藹藹龍旂色。琅琅木鐸音。數行寬大詔。四

海發生心。賜谷賓初日。清臺告協風。願如

風有信。長與百俱中。草木漸知春。萌芽處處

新。從今八千歲。合抱是靈椿。聖主憂民未

解頰天教瑞雪報豐年。蒼龍挂闕，農祥正，父
老相呼看籍田。皇太后閣寶冊瓊瑤重新。
庭松桂香雪消春未動，碧瓦麗朝陽。瑞日
明天仗，仙雲擁壽山，猗闌春晝永。金母在人
間。朝罷金鋪掩，人閑寶瑟塵。欲知慈儉德。
書史樂青春。仙家日月本長閑。送臘迎春
豈亦然。翠管銀罌傳故事，金花綵勝作新年。
彤史年來不絕書。三朝德化婦承姑。宮中

侍女減珠翠。雪裏貧民得袴襦。邊庭無事
羽書稀。闕遣辭臣進小詩。共助至尊歌喜事
今年春日得春衣。皇太妃闈葦枕猶在戶
椒柏已稱觴。歲美風先應。朝回日漸長。甲
觀開千柱。飛樓擢九層。雪殘烏鵲喜。翔舞下
觚稜。孝心日奉東朝養。儉德應歸太妣風
太史新年瞻瑞氣。四星明潤紫宮中。九門
杜月未催班。清禁風和玉漏閒。崇慶早朝銀

燭下。珮環聲在五雲間。東風弱柳萬絲垂。
的皜殘梅尚一枝。璽館乍欣盤浴後。禡壇猶
記燕來時。夫人閣。綵勝鏤新語。酥繁滴小
詩。昇平多樂事。應許外庭知。細雨曉風柔。
春聲入御溝。已漂新荇沒。猶帶斷冰流。扶
柔初日映簾旻。已覺銅餅暖不冰。七種共挑
人日菜。千枝先剪上元燈。款

乾隆丙子孟春月朔之十日。御臨鈴寶四垂露。

乾隆幾暇臨池

鑒藏寶璽五福五代堂寶八徵耄念之寶石渠寶

笈所藏

御臨朱芾尺牘一卷

本幅宋蠟燭本。縱七寸八分。橫二尺八分。行書。芾頓首再拜。提刑察院明公節下。近專人奉狀。計達行李。赴臺欲寓狀。百冗所奪。但仗寄聲。懷企非可筆。既今日。彥公訪及。知婺州智者有關。而公文有意。成他想留意也。在此相從既久。人寧無情。故不得嘿。幸恕察。草草不宣。芾頓首再拜。三月十四日狀。

丙子三月御臨鈐寶三乾隆宸翰琴書道趣生
觀書為樂

引首

御筆 津逮晉賢 鈐寶一乾隆御筆

鑒藏寶璽石渠寶笈所藏

御筆寫生十種 一卷

本幅宣德牋本。縱七寸。橫二尺七寸八分。水墨畫海棠。薔薇。桃花。梨花。萬壽菊。牡丹。梔子。石竹。僧鞋菊。萱花款。

寫生數種。以不似似之。丁丑長夏。畫禪室御識。鈐寶四。乾隆宸翰。幾暇臨池。潑墨寫生。

引首

御筆。具有生意。鈐寶一。乾隆宸翰。

鑒藏寶璽石渠寶笈所藏

御臨虞世南尺牘 一卷

本幅金粟牋本。縱八寸二分。橫二尺二寸八分。行書。賢兄處見臨樂毅論。便是青過於藍。欣忭無已。數願學耳。世南近臂痛廢書。不堪觀縷也。虞世南呈十三日遺書。謹空得書。為慰可言也。疲朽未有東顧之期。唯增慨歎。今因使人指申代面。必今力也。

丁丑午月御臨鈔寶三。乾隆御筆。微言晰纖豪。

游六藝園

引首

御筆 臨池寄興 鈐寶一 乾隆宸翰

鑒藏寶璽 石渠寶笈 笈所藏

御筆仿沈周寫生 一卷

〔本幅〕宣德牋本。縱七寸二分。橫七尺。水墨畫
梔子。石竹。迎春。荆。蝶。花。玉簪。花。百合。花。荷
花。蓴。花。石。榴。茱。萸。山。丹。葵。花。虞。美。人。雞。冠。木
芙蓉。分題

行蒼苔林中。香滿色界。小草居然號此君。

江國春風宛然在望。有漆園栩栩自得之趣。

紫燕釵頭。亭亭獨立。花氣渾如百和香。

彼君子兮。在水一方。與鱸共思。於蒲艾叢。
奪得錦標。采采花田。不讓素馨郁烈。神采
流霞。仙人九轉之候。令人起灘頭垂釣之思。
帳中芳恨。寧減陌上風流。紫衣絳幘。獨步
秋光。木末寒芳。騷人寄興斯在。丁丑新秋。
學沈周法於池上居。師其意不師其格也。分鈐
寶深心。託豪素。德充符。如如愛竹學心虛。取益
在廣求。幾暇臨池會心。不遠中心。止水靜幾暇。

怡情垂露水月兩澗明。三希堂畫禪室落紙雲
烟寫生中和得佳趣。激觀几席有餘香。潑墨削
水月在手雲霞思。齊物筆端造化游。六藝圓靜
挹古香。

引首

御筆。盎然生趣。鈐寶一。乾隆御筆。

鑒藏寶用。石渠寶笈所藏。

御臨趙孟頫蘭亭三跋一卷

〔本幅〕宋牋本縱九寸橫三尺。行書。蘭亭帖。當宋未渡南時。士大夫人人有之。石刻既亡。江左好事者。往往家刻一石。無慮數十百本。而真贋始難別矣。王順伯尤延之。諸公其精識之尤者。於墨色紙色肥瘦穠纖之間。分毫。不與。故朱晦翁跋蘭亭。謂不獨議禮如聚訟。蓋笑之也。然傳刻既多。實亦未易定其甲乙。

此卷乃致佳本。五字既損，肥瘦得中，與王子慶所藏趙子固本無異。石本中至寶也。書法以用筆為上，而結字亦須用工。蓋結字因時相傳，用筆千古不易。右軍字勢古法一變，其雄秀之氣出於天然。故古今以為師法。齊梁間人結字非不古，而乏俊氣。此又存乎其人。然古法終不可失也。東坡詩云：天下幾人學杜甫，誰得其皮與其骨。學蘭亭者亦然。黃太

史亦云。世人但學蘭亭面。欲換凡骨無金丹。
此意非學書者不知也。

趙孟頫蘭亭跋三則。乾隆丁丑秋八月。御臨鈐
寶二。得象外意。乾隆宸翰。

引首

御筆 墨沼觀瀾 鈐寶一 乾隆御筆

鑒藏寶璽石渠寶笈笈所藏。

御臨褚遂良書庾信枯樹賦一卷

本幅宋粉牋本。縱八寸七分，橫三尺二寸。楷書。枯樹賦。殷仲文風流儒雅，海內知名。世異時移，出為東陽太守，常忽忽不樂。顧庭槐而嘆曰：此樹婆娑，生意盡矣。至如白鹿貞松、青牛文梓，根柢盤魄，山崖表裏。桂何事而銷亡，桐何為而半死。昔之三河徙植，九畹移根。開花建始之殿，落實睢陽之園。聲含嶰谷。

曲抱雲門將雛集鳳比翼巢鴛臨風亭而唳
鶴對月峽而吟猿適有奉曲擁腫盤拗反覆
熊彪頽助魚龍起伏節豎山連文橫水感匠
石驚視公翰眩目雕鐫始就剝剝仍加平鱗
鏗甲落角摧牙重重碎錦片片真花紛披草
樹散亂烟霞若夫松于古度平仲君遷森梢
百頃榘枿千年秦則大夫受職漢則將軍坐
焉莫不苔埋菌壓鳥剝蟲穿低垂于霜露撼

頓於風烟。東海有白木之廟。西河有枯桑之
社。北陸以楊葉為闔。南陵以梅根作治。小山
則叢桂留人。扶風則長松繫馬。豈獨城臨細
柳之上。塞落桃林之下。若乃山河阻絕。飄零
離別。拔本垂淚。傷根流血。火入空心。膏流斷
節。橫洞口而歌卧。頓山腰而半折。文衰者合
體俱碎。理正者中心直裂。戴瘿銜瘤。箴穿抱
穴。木魅暘暎。山精妖孽。况復風雲不感。羈旅

無歸未能採葛還成食微沉淪窮巷蕪沒荆
扉既傷搖落彌嗟變衰淮南云木葉落長年
悲斯之謂矣乃歌曰建章三日火黃河千里
槎若非金谷滿園樹即是河陽一縣花桓大
司馬聞而嘆曰昔年移柳依依漢南今看搖
落悽愴江潭樹猶如此人何以堪。

貞觀四年十月八日為燕國公書。

觀此乃知米元章書體所自豈此即海嶽所臨

耶。乾隆丁丑中秋月朔日。御筆臨於避暑山莊
之澄觀齋。并記鈐寶三。得象外意。乾隆宸翰意
在筆先。

引首

御筆。生潤餘妍。鈐寶一。乾隆宸翰。

鑒藏寶璽石渠寶笈所藏。

御臨米芾雜帖一卷

本幅側理紙本。縱八寸三分，橫五尺五寸。行書。李太師收晉賢十四帖。武帝王戎書。若篆籀。謝安格在子敬上。真宜批帖尾也。余收張李明帖云。秋氣深不審氣力復何如也。真行相間。長史世間第一帖也。其次賀八帖。餘非合書百五十千。與宗正爭取。蘓氏右軍王略帖。獲之。梁唐御府跋記完備。黃秘閣知之。

可問也。人生貴適意。吾友觀一玉格十五年
不入手。一旦光照宇宙。魏我至前。去一百碎
故紙。知他真偽。且各足所好而已。幸圖之。第
再登賀鑄能道行樂慰人意。玉筆格升襲收
秘。何如兩足其好。人生幾何。各闕其欲。即有
意一介的可委者。同去人付于敬。二帖來授
玉格。却付一軸去。足示俗目。賀見此中本乃
云。公所收紙黑顯偽者。此理如何。一決無惑。

芾再拜。丹陽米甚貴。請一航載米百斛。未換玉筆架。如何。早一報。恐他人先芾頓首。

側理紙以海苔為之。見王嘉拾遺記。今春南巡有持獻者。古色盎然。非近世楮工所能製。臨此試之。時丁丑長至前一日也。御筆。鈐寶三。學鏡。千古。乾隆御筆。落紙雲烟。

引首

御筆。辨香芸笈。鈐寶一。乾隆御筆。

鑒藏寶璽石朱寶笈所藏

御臨蘓軾書維摩贊一卷

本幅宋研花牋本縱八寸六分橫二尺三寸五分行楷書。石恪畫維摩贊我觀衆工工一師人持一藥療一病風勞欲寒氣欲暖肺肝胃腎更平相克挾方儲藥如邱山卒無一藥堪施用有大醫王拊掌笑謝遣衆工病隨愈問大醫王以何藥還是衆工所用者我觀三十二菩薩各以意談不二門而維摩詰默

無語。三十二義一時墮我觀。此義亦不墮。維摩初不離。是說譬如油蠟作燈燭。不以火點。終不明。忽見默然無語處。卅二說皆光焰。佛子若請維摩經。應作是念。為正念。維摩能以方丈室容受九百萬菩薩。三萬二千師子座。皆悉容受。不迫迮。又能分布一鉢飯。饜飽十方無量衆。斷取妙喜佛世界。如持鍼鋒一粟。葉云是菩薩不思議住大解脫神通力。我觀

石子一霎士。麻鞋破帽露兩肘。能使筆端出
維摩。神力又過維摩詰。若云此畫無實相。毗
邪城中亦非實佛子。若見維摩像。應作此觀
為正觀。

丁丑仲冬。臨蘇軾御筆。鈴寶四用。筆在心得象
外意。乾隆宸翰。游六藝園。

引首

御筆。毫端花雨。鈴寶一。乾隆宸翰。

鑒藏寶璽石渠寶笈所藏

御書蘇軾烟江疊嶂圖詩一卷

本幅宋粉牋本

有松子閣印二印

縱八寸二分橫

三尺八分行書蘇軾烟江疊嶂圖詩

見清宮所

藏趙孟頫書蘇軾烟江疊嶂圖詩卷

蘇軾詩乾隆丁丑嘉平御筆鈐寶五忘機心宇

曠乾隆宸翰得象外意履信思順游六藝圖

引首

御筆 江山清賞 鈐寶一 乾隆御筆

鑒藏寶璽石渠寶笈所藏。

御臨趙孟頫寫生 一冊

本幅金粟成本八幅縱六寸五分橫四寸六

分水墨仿趙孟頫寫生

見前冊分題

露滋九畹其香益清允堪綴以為佩 槎枒原

本東坡蕪河陽蟹爪法 鳳尾娉娉恍見晴軒

清影 黃花如散金亦具東籬本色 采采幽

芳韻我几案 夜窻聽雨不獨芭蕉有聲 香

光謂以結字法作畫吾於斯亦云 山意衝寒

便有垂垂欲雪之致。已卯新正齋居清暇偶
仿吳興筆意成此八幀御筆每幅分鈐寶天地
為師裝雲寫生心清聞妙香讀書依竹靜愛竹
學心虛筆端造化妙意寫清快垂露激觀筆花
春雨會心不遠漱芳潤德充符大塊假我以文
章游六藝圖幾暇怡情得佳趣

鑒藏寶璽古希天子五福五代堂八徵耄念寶八
徵耄念之寶天恩八旬石渠寶笈所藏

御臨董其昌書孝經 一冊

〔本幅〕宋棧本十六對幅每幅縱六寸五分橫
九寸五分。行書

臨董其昌書孝經全文 經文不錄 崇禎四年歲在辛未

長至日董其昌書

董書初學平原晚得山陰堂奧故體兼道婉。此
冊於莊重篤實中特出以和易油然愛敬之心
溢於楮墨深有會夫杏壇教孝微旨不僅如右

軍黃庭經晉公中興頌各有一種氣象而已香
光嘗自言學書三十年始悟筆法書此經時年
已七十有七殆所謂漸老漸熟天真爛漫候耶
曩於甲子冬曾換一本刻入敬勝齋法帖今偶
展閱覺筆力未臻適得宋牋輒復臨此俟他日
臨池展觀又驗諸地何如耳。已卯仲秋廿三
日威遜格爾行營書竟御筆并識鈐寶二乾隆
鑒藏寶璽古希天子五福五代堂古稀天子寶八

徵耄念之寶。擣藻為春。石渠寶笈所藏。

御筆伊犁二麥熟詩一卷

本幅金粟樣本

有倪仁寧造紙記

縱八寸三分橫二

尺五寸二分行書

駐伊犁大臣阿桂等奏報二麥大熟因用杜甫
送高三十五書記詩韻首句恰與崆峒小麥熟
同體遂用全章韻紀事然彼當季世而蹟武不
已宜詩人之刺今則遇綏豐於考定之時亦反
其意云爾 伊犁二麥熟久矣旋王師少留更

番戍屯田。俾勤為厄。魯固爾札。廟火皎早。飛霍
集占。馘獻大安。反側免。雖有幸灾者。即今奚遊
辭。默克達西。漠無不誓。國威功成。弗可棄。此語
人盡知。歸化回亦知。遙觀瞻朝儀。衛拉乃無人
都護。建閭麾。朝彥掄英才。百凡抒忠思。綠旗本
習農。墾藝令乘時。索倫善騎射。偵候戈壁涯。耕
回挈眷遷。使無離別悲。人事庶云盡。

天恩至亦隨。屢豐既兆慶。功惟賢臣歸。甫也即重生。

何以為刺詩。辛巳仲秋御筆。鈐寶二得象外
意。乾隆宸翰。

引首

御筆。麇紀綏豐。鈐寶一。乾隆宸翰。
鑿藏寶璽。石渠寶笈所藏。

御臨元人各種寫意一冊

一、幅金粟牋本。八幅縱六寸五分橫四寸六分。水墨仿元人寫生。一、枯木。二、盆石。三、蘭。四、兔。五、松。六、菖蒲。七、回城。三果。八、梅花。人物分題。

寫古柯以仰鋒出之。正自具有生趣。寄暢園中一拳如此。幽谷香何處。不為席上珍耶。石田寫生。如對桂輪初滿。謾謾然濤聲起紙。

上 仙家九節延年。雅宜清供。回城三果。包
貢常通。不似博望使。還僅得蒲萄一種。一枝
映水橫斜。當是華光自寫其照。辛巳長至月
仿元人各種御筆。每幅分鈐寶。幾暇怡情得佳
趣。清供耳目謀。鼓雲游六藝圃。德克符。新藻發
春妍。潑墨天地為師。中心止水靜扇以仁風。研
露筆端造化中。和天地一家春。會心不遠雲容
水態堪娛。乾隆宸翰。

寶璽古希天子。五福五代堂古稀天子寶八
仁。老念之寶天恩八旬。石渠寶笈所藏。

御臨倪瓚樹石畫譜 一冊

本幅高麗鏡面牋本十幅縱六寸三分橫九寸六分

臨倪瓚畫譜。一雙樹梓葉柳條。二竹樹。三竹樹。四竹。五雙樹竹葉。六松。七苔石。八石壁遠山。九盤石。十雙石。并倪瓚識語。二樹勢若戈戟。大者為將。小者為佐。將佐得宜。行伍整肅。畫理自得。大樹筆弱。欲其嫩也。小樹筆老。欲

其古也。大為正面，小為側本。初學者不可不知。畫樹須間以竹，不必太工，但看晴樹則配以晴竹，此竹上挺者是也。此為蠡爪。大者為老樹，新枝小者為經霜枯幹，竹葉下垂，乃雨後之景。寫竹切不可求精，精則便有工氣。余嘗寫竹枝而觀者謂余為何樹，余為一笑，不可法也。二樹俱面，一反一正，布置時自當夾雜，亦要隨景斟酌。春則墨葉稠而濃。

夏則密而鬱。秋則疎。冬則落。寫松最易。工
緻最難。士氣必須率略而成。少今老嫩正反。
雖極省筆。而天真自得。逸趣自多。凡寫石
不可用鈎法。鈎則板。隨手寫去。似石則已。要
古樸。須少皴。要秀麗。須多染。石脚可寫小石。
為佐。隨地坡廣窄。為之用墨濃淡。正反寫焉。
石紋內用點苔。不可多綴。二石上。秀下樸。取
其長。棄其短。毋自執一。丈山尺樹。古人不

易之論也。今人畫樹尺許。山不滿尺。甚非畫
理。惟遠山亦通。若近景則當寫殘山半壁。庶
幾相稱。二石專用披麻。略涉古法。雖不盡
善。仿而為之。正合時尚。顆石大小俱時尚。
或點綴。或佐以野竹。隨意為之。末幅。

御識行書

倪迂畫譜自謂庸人終不取。雅士終不棄。極為
香光所賞。向曾背臨一過。幾餘展閱。復撫此十

幀並錄其評語補空或限于紙幅則節取之箇
中三昧全在不即離間正不在語言多少耳

辛巳嘉平御筆每幅分鈐寶舍和聊以觀生意
心清聞妙香寫心已有同春即事多所欣几席
有餘香秀色入窻虛天地為師愛竹學心虛垂
露洗盡塵氣爽氣來水月兩澈明墨雲松竹一
庭道心妙意寓清快衆花勝處松千尺烟雲舒
卷箇中自有玉壺冰筆端造化忘機心字曠潑

墨雲霞思落紙雲烟得佳趣樂意寓靜觀乾隆

後幅臣工題跋

我

皇上天縱多能

萬幾餘暇怡情六藝

天章

宸翰照耀用府莫不符其梁度而精詣遠較前賢

茲以

御臨倪瓚畫譜宣示

化工肖物神妙難名昔董其昌論畫謂當以天地

為師蓋以烟雲變態樹石真姿合乎自然始

盡能事若乃造化從心因物付物此則純任

天機無闕摹構又豈特倪瓚所云無意求工

不似似之而已臣等拜觀

仙漆。莫啓形容。謹跋數語。以誌榮幸。臣劉統勳。臣
梁詩正。臣劉綸。臣金德瑛。臣董邦達。臣于敏
中。臣錢汝誠。臣觀保。臣王際華。臣錢林城。恭
跋鈔印二。臣敬書。

鑿藏寶璽古希天子八徵耄念之寶石渠寶笈所

藏

御筆三希文翰一冊

本幅金粟牋本。四幅。縱三寸四分。橫四寸七分。分行書。

臨王羲之快雪帖。王獻之中秋帖。王珣伯遠帖。見

乾清宮所藏
臨王氏三帖卷

御

快雪中秋伯遠三帖。並希世之珍。因顏三希堂以貯之。合臨不下數十本。而堂中獨無弄藏者。輒掄佳紙縮臨此冊。對置硯左。以驗臨池工候。

丙戌小春御識鈐寶二獎暇怡情乾隆宸翰每
幅分鈐寶雲霞思用筆在心涵虛朗鑑寓意於
物筆端造化浴德秀色入窓虛。

前副葉

御筆。撥鐙合矩。鈐寶三奉三無私。乾隆附金
廷標畫王獻之掣筆故事。款臣金廷標恭繪。
鈐印一臣廷標。

後幅臣工恭跋。

義之隻字流傳已足寶貴矧其一家鼎峙尤為希有重以

御筆臨摹契其神妙而集其大成允宜煨燂

冊府軼三希而珍襲矣臣獲與拜觀奚啻先觀

星鳳之快嘗聆

聖諭快雪帖百臨不得一肖以其平正也敬識之

下仰見

懋功冲德深詣精微是以

揮翰應心動合矩度又豈區區淺學執筆所能窺

測涯涘者耶臣于敬中敬跋鈐印二臣敬中

敬事

鑒藏寶壘古希天子壽八徵耄念三希堂惟精惟

一乾隆宸翰孔顏樂處誰尋得義皇上人我不

為

御筆長春書屋四事四聲詩一冊

本幅宋牋本四對幅每幅縱四寸橫四寸五分
分行書

長春書屋四事四聲詩 清閒何為消明窓共

編陳耽書誠前緣怡情諧常因千秋於焉觀分

陰良堪琢湯盤銘曾言予惟期其新

右讀書
平聲

臨池懷前賢撫古允我喜雖常希顏筋那有省
可隨孜孜勤懸針草草晒累紙佳言思公權引

以輔善理右樞帖 匡牀雙金視煥燦護獸炭

氤氳檀芬燒霽霽蕙篆散褰帷薰心源對座淨

鼻觀無然安清供問政法締崇右焚香 筠鑪平去聲

江南來恰合設白屋烹煎松風鳴活潑雪色漉

奇吟翰唐盧佚樂學復陸擎杯方無言魄月藪

綠竹右煎茗 丁亥新正御筆分鈐寶墨雲雲平入聲

霞思叢雲乾隆宸翰

前副葉

御筆。隨時盡然。鈐寶一。乾隆宸翰。

後幅臣工恭跋。

臣等日侍
內廷仰見我

皇上萬幾之暇。國史是娛。長春書屋為
青宮典學之地。

聖情所倦。題詠最多。臣等捧誦四事詩讀書則盤

銘斯在。日新又新。梅帖則筆諫所云。心正俱

正。香焚寶鼎。靜得真詮。若淪筠籟。芬傳妙契。

言皆有物。語必造元。至于每詩各依平仄。分

作四聲。如前人。轉輒雙出。雙入之體。而不煩

繩削。動合自然。于

鴻篇鉅製外

括題間作別示新裁。彩錯葩流。天衣無縫。金鼓玉

夏大音希聲，迥非皮陸諸詩人所能及。臣
等伏請再三，惟有稽首至地，敬書卷尾，用誌
榮觀。臣于敏中、臣董邦達、臣裴曰修、臣王濬
華、臣錢維城、敬跋、鈐印二、臣敏中敬事。

鑿藏寶壘，五福五代堂。古稀天子寶，八徵耄念之。
寶見天心，和順積中垂露。漱芳潤中和，寓意于
物。叢雲筆端造化，浴德用筆在心宸。翰涵虛朗
鑑，日監在茲。經史竒莊敬，日強慎脩思。永發墨
典學勤政，研露幾暇臨池。絜矩成性存存，卍有
同春石渠寶笈所藏。

御筆隨安室四詠 一冊

本幅宋牋本。四對幅。每幅縱四寸。橫四寸五分。行書。

隨安室四詠。處處隨安室。都因安土成築基。
期永固。肯構乃恢宏。愛物易辭繁。樂天禮義精。
重居堪絜矩。藉亦驗民情。右安安窓向朱鳥。

作牖亦青龍。春意階前草。夏陰檐際松。月光淡
秋宇。雪色積冬峰。攬景固無盡。闢門訓獨宗。右安

憲 攫醪雖弗解。琴床綴景安。短長量桐展。妥
帖倚蘭看。翫忘言。堪繹泉明趣。可觀禮經著。採
縵。古道復應難。右安琴 固是隨所遇。心安實在
仁。昔惟胞與切。今更恫瘝親。履表還防否。綏豐
亦有貧。于斯恒惕息。順豫覺難臻。右安仁 丁亥
仲春。御筆分鈐寶。乾隆宸翰。幾暇臨池愛竹學
心虛。乾隆惟精惟一。

前副葉

御筆。即小喻大。鈐寶一。乾隆宸翰。

後幅臣工恭跋

臣等伏讀

御製適安室四詠。仰見我

皇上處物如天。萬物在宥。即伊耆氏安安之旨。而

孔子所謂脩己以安百姓者也。一室延和。均

調六幕。八窗洞啓。順撫四時。置器惟所宜。况

琴是元音。即此驗協風之應律。復心隨所遇

而仁為天德。因此識

郵治之

體乾安己安人。仰觀

聖政。隨時隨地。志露

天機。溯

青宮典學之初。迄



黃屋臨民之後。數十年如一日。億萬歲為長春。臣等竊附見。知快哉先親。誠悅誠服。莫可名言。
臣于敏中。臣董邦達。臣裴曰修。臣王際華。臣錢維城。敬跋。鈐印二。臣敏中。敬事。

鑒藏寶璽。古希天子。五福五代堂。古稀天子寶。千
潭一月印。鼓雲中和。象暇臨池。愛竹學心虛。成
性存存。樂天典學。勤政日監。在茲。留舍經訓。繫
矩莊敬。日強齊物。研露大塊。假我以文章。慎脩
思永。涵虛朗鑑。脩詞立誠。比有同春。墨雲半榻
琴書。寓意於物。取益在廣。求追琢其章。石渠寶

笈所藏。

御筆三韓訂謬 一冊

本幅粉牋本。十二幅。縱六寸二分。橫八寸四分。行書。

三韓訂謬。嘗讀後漢書三韓傳。稱辰韓人見生欲令頭扁。皆押之以石。訝其說之悖于理。而肆為詭誕以惑世也。夫以石押頭。壯夫且不能堪。而以施之初墮地之小兒。實非人情所宜有。間考三韓建國本末。諸史率多牴牾。以方位準

之。蓋在今奉天東北吉林一帶。壤接朝鮮。與我國朝始基之地相近。國朝舊俗。兒生數日。即置卧具。令兒仰寢。其中久而腦骨自平。頭形似扁。斯乃習而自然。無足為異。辰韓或亦類是耳。范蔚宗不得其故。從而曲為之解。甚矣其妄也。且如漢人生兒。常令側卧。久而左右角平。頭形似狹。蒙古人生兒。以韋帶束之。木版植立于地。長則版形。綴其此亦皆習而自然。無足為異。藉如

蔚宗所言。豈漢人蒙古亦皆以石押之。令其頭
狹而股箕乎。若夫三韓命名。史第列焉。韓辰韓
弁韓。亦曰弁辰而不詳。所以稱韓之義。陳壽魏志直
云韓地韓王。魚豢魏畧且以為朝鮮王準冒姓
韓氏。其為傳會尤甚。蓋國語及蒙古語皆謂君
長為汗。韓與汗音相混。史載三韓各數十國。意
當時必有三汗分統之。史家既不知汗之為君
而庸鄙者至譏韓為族姓。何異扣槃捫籥以喻

日哉且中外語言不通不能強為詮解者勢也
今夫天昭昭在上人皆仰之然漢語謂之天國
語謂之阿卜喀蒙古語謂之騰格里西番語謂
之那木喀回語謂之阿思滿以彼語此各不相
曉而人之所以敬與天之所以感則無弗同若
必一一以漢字牽附臆度之能乎不能夫韓與
汗音似義殊譯而失之誣猶可也至于以石押
頭之譯實悖於理斯不可也然則余之三韓訂

謀之作烏容已乎哉。己丑仲冬上澣御筆銓
寶四清心抒妙理脩詞立誠乾隆宸翰契理在
寸心

鑿藏寶璽石渠寶笈所藏

御筆生冬詩一卷

本幅粉牋本縱一尺一寸。橫三尺七寸。行書。
生冬詩二十首。仍用元微之生春詩韻。有常盤迭吟已遍三時。羽琯方調。嗣響宜周四序。
翻元和之舊體。還如舉一例。餘效玉局之叠。虞
時復因難見巧。蓋冬者成也。終循始以有功。惟
生不息焉。貞起元而相嬪。于是德乃應信。良為
就盈。驗廣莫於乾維。辨招搖於亥次。蹕旋行獮。

杪秋溯徂暑而羸令紀司權肇孟計浹辰以逮
納稼既慰茲豐歲給糜猶矜彼窮民冠正宜溫
稽

典而受

釐吉旦。器能代漏授時則頒朔來年

愛日欣長。曾聞小春之旨堅冰凜始每殷先霰之懷

聽埽葉於階前丹林餘綴記餐兵於籬下玉版

徐叅。葛嶺蹄陽煦兮入蟄。

軒丘薦節膏過嘗新。温室批三捷之書。綈几遺萬幾
之暇。庶乎寒暄和潔。佳興同人。譬諸生長收歲。
化工成歲。元冥應喜。匪獨後予。白傳儻知奚殊。
和汝體斯脩矣。仁實統之。何處生冬。早冬生
頒朔中。萬方大一統。

三代久同風。東鯀西鷁合。考文制度融。人人潤花甲。
歡動老年叢。何處生冬早。冬生哀日中。温暄
烜朔氣。煦嫗卻涼風。赤道行前遠。黃棉披後融。

萬年承愛景恒顏照

萱叢何處生冬早冬生春小中六陽雖避卦一氣
不潛風消息豈常息嫩融真箇融程朱引未發
著說語芙蓉何處生冬早冬生煖帽中獺烏
輕試燠貂紫重禁風抹額顏增潤稱心氣已融
殷昇與周冕底藉禮圖叢何處生冬早冬生
紅葉中離離偏映日閃閃未飄風那礙施朱赤
忽疑照炬融祇應笑松柏能幾鎮留叢何處

生冬早。冬生蟲俯中。下藏知閉凍。曲伏解防風。
多蓄蟄糧富。牢封坯戶融。微嫌彼穴氏。攻逼太
叢叢。何處生冬早。冬生

節薦中。感同霜與露。悲憶木和風。億葉丕基護。

二陵神會融。盛京朔一脈。遙隔萬山叢。何處生冬

早。冬生粥殿中。五城施繼日。百里向如風。詎止

充腸果。還因溫體融。文王緬發政。先此四民叢

何處生冬早。冬生臺望中。吸精竇雲頂。觀出

葛仙風。日月並升際。朔晨應候融。山房及丹井。
今尚豔詞叢。何處生冬早。冬生堆屨中。時夫
因入水。化去不緣風。噓氣雲樓幻。吹烟海市融。
山川如用器。職在曹人叢。何處生冬早。冬生
納稼中。農人盼十月。儒士詠幽風。萬寶倉箱積。
千村歡喜融。干茅索綯。繼棄屋正攢叢。何處
生冬早。冬生始凍中。狐聽當孟月。魚陟待初風。
曉冷明明結。午暄略略融。冰嬉將試藝。盼切護

軍叢。何處生冬早。冬生盆菊中。小叢常傲冷。
別體不愁風。色共梅椿麗。香和蘭茱融。却嗤彭
澤老。籬下已枯叢。何處生冬早。冬生墮蔕中。
依依雖耐日。落落已隨風。辭翰心猶戀。歸根意
自融。六章近纖巧。不復鬪吟叢。何處生冬早。
冬生

神記中。立竿祈福祉。執豕述

先風。分胙武文會。聯情內外融。曾孫看繞膝。玉樹漫

言叢。何處生冬早。冬生望雪中。纔看雲出谷。
偏畏宇吹風。寧為催梅發。惟圖護麥融。綢繆每
豫計。愁不離眉叢。何處生冬早。冬生洋表中。
來知經大海。運不畏寒風。爨火猶嫌拙。沸湯空
自融。人工奪天巧。沃漏愧神叢。何處生冬早。
冬生冬筍中。鞭行偏應節。舟運每藏風。一寸迎
眸嫩。三餐熨齒融。獨憐鋤鏤際。不放長喬叢。
何處生冬早。冬生煖閣中。漏長宜靜夜。簾下避

嚴風桂葉蘭燈爆。視鑪鶴炭融。遲眠批奏牘。軍
務遮翳叢。何處生冬。早冬生。錦凡中。滴書軍
藉酒。摘句亦吟風。廿首三番疊。四時一氣融。殊
勝元刺史。株守小梅叢。壬辰孟冬月中。泮御
筆。鈐寶二。乾隆。

引首

御筆。律績功成。鈐寶一。乾隆御筆。

鑒藏寶。石渠寶笈所藏。

御筆迴思一首一卷

本幅宋牋本縱九寸三分橫一尺四寸行書

迴思一首。踐昨迴思廿五歲朝班較我歲都

多。忽忽卅八春秋閱忽忽熙康雍正文武磨。

余初

踐昨時朝班文武大臣率

皇祖

皇考

所簡用。年齒皆長于余。閱今四十八年。在再代

謝康熙雍正年間舊臣。

消磨無一在朝者矣。

築箇老臣用由我其餘

在列長

上聲於他。

現在廷臣中年逾七十以上者

士永貴蔡新尚書曹秀先鍾克托都統王進春等數人。率皆乾隆初年以後漸行擢用其餘如

大學士河桂三寶及內外大臣等
雖多六句以上者皆較余年少云
慕然自問率

興事蒿目焦心愧若何
癸卯新正御筆鈐寶

三游六藝圖古稀天子之寶
猶日孜孜

引首

御筆 俯仰興懷 鈐寶一乾隆御筆

鑒藏寶璽古希天子五福五代堂古稀天子寶八

徵養念之寶意在筆先惟善為寶寓意于物即

事多所欣用筆在心天地為師石渠寶笈所藏

御筆仿吳道子畫文武水一卷

〔本幅〕金粟牋本縱九寸橫五尺五分水墨畫

文水武水各一

御筆。文水。武水。鈴寶二。妙意寫清快水月

兩激明。

御識行書。

壁端祗慮天瓢漏千年不竭真神也伊人心自
別高下堂堂王道離虞伯滑洵混濛無冬夏葆

孕龍宮及螭駕石渠各種空傳焉。日月出矣。燭
火捨。大士如如塵不惹。宴坐道場功德灑。今
秋過趙州柏林寺。觀道子畫壁文武水迴鑿幾
暇。竭仿其意。雖未能方駕吳生。與馬遠各體水
名蹟。或有一得。因并錄舊作於右。乾隆御識。鈐
寶二得象外意。乾隆宸翰。

引首

御筆。若有聲。鈐寶一。乾隆宸翰。

後幅

御製聯句詩。

九月十有二日。途經趙州小憩柏林寺。閱殿壁
吳道子畫水舊蹟。召扈蹕文臣梁詩正等。刻景
聯吟。禁用水部字。

御製花宮來九月。穡室登三秋。唐壁懸吳畫。

香林駐

御騎塗堊痕古。縱橫墨暈稠。具體文兼武。臣梁詩正

製御 搖毫放更道嘗聞工變相今見跋陽侯禁體例

癸亥

癸亥年登澄海樓與張照
梁詩正聯句亦禁用本部

強韻追應劉佛日光皎皎仙風響颺颺咫尺

論萬里

臣彭啟豐

御製 筋力迴千牛或靜符地德或動於天游翔陽常

逸駭

固象窮冥搜十指捫欲縮雙睛眩難收能事

開元埒

臣劉綸

集仰奇觀廣陵俾兩孫彼固遜。一勺吾將投。若納下

川此。

髣髴三島不。鏡象掃塵劫。均堂叅芥舟。乾維

擅密運。

臣梁詩正

御兼坤軸環遐溷。龍門啟峯嶺。鹿苑騰蛟虬。曠哉八

功德。

邈矣大琉球。砰磕撼素障。縹緲凌丹邱。那得

并州翦。

臣彭啟豐

御製何必中山求

謂定州雪浪石

馮夷方擊鼓乾闥將成樓

隱名名越顯

繪聲聲若酬魚龍卧豈穩雲夢吞應愁萬斛

斟

天筆

臣劉綸

御製一晌停吟眸含虛體無物攻堅性不柔因喻致

治理持盈保天休臣梁詩正奉

勅敬書鈐印二臣梁詩正補拙莫如勤

鑒藏寶璽石渠寶笈所藏

御臨蘇軾書錢侯不願仕齋詩帖一卷

本幅宋牋本

有書府藏用錢印。榜字方印。

縱八寸七分橫

二尺三分。行書。

臨蘇軾詩帖。書錢侯不願仕齋用徐東明韻淵
明歎鳴鵠。其國有放士。幽然賦歸去。觀表願
知裏。寥寥千載間。高風邈難居。挂冠神武門。
古有今則無。

東坡此書。務追險絕。未免兒怪。細體會之。無一

筆越晉唐人矩矱也。故能流傳八百年。事不師古。以克永世。匪說攸聞。信哉。御臨并識。鈔寶二。乾隆御筆。攜漆為春。

引首

御筆。師古。鈔寶一。乾隆宸翰。

鑒藏寶璽。石渠寶笈所藏。

御臨米芾題林逋梅花詩帖一卷

本幅宣德牋本。縱八寸八分。橫二尺五寸八分。行書。先生德行道藝。聲名今古。信豈由梅花數詩。然而于一隱几間。好句天來。亦自蘊釀中得。是知踈影暗香。於先生不為欠刺。童饑鶴冷。何不舍去。抑將有所俟耳。如其不然。二者俱亡。先生亦將嗒然。尚何形似之。

御臨米元章書。鈔寶三游六藝圖。乾隆。

引首

御筆。挹清芬。鈐寶三游六藝圖乾隆

鑒藏寶璽石渠寶笈所藏。

御筆盤山松圖一軸

〔本幅〕金粟牋本，縱一尺七寸二分，橫九寸水
墨畫松款。

盤山多奇松，興之所至，率筆圖之。乾隆并識。鈐
寶二。乾隆宸翰研露。

鑒藏寶璽石渠寶笈所藏。